

Euskal presoak gose greban Mobilizazioak

Hamar lagunek gose greba abiatu dute Baionako San Andres plazan

Oihalezko etxola baten pean, presoen egoeraren informazio eta salaketa gunea izanen da

Hur Gorostiaga / **Baiona**

Koordinaketak eta Amnistiaren Aldeko Batzordeek antolaturik, hamar lagunek 12 eguneko gose greba abiatu zuten atzo Baionan. San Andres plazan, oihalezko etxola baten babesean, presoen egoerari eta eskakizunei buruzko informazioa eta salaketa gunea izanen da.

«PRESOEK noraino heldu behar ote dute beren oinarrizko eskubideak errespetatuak izan daitezen?», galdegin zuen atzo goizean gose greba abiatu zutenetarikoa batek, Jean François Lefort Koordinaketako bozeramaileak.

«Ipar Euskal Herrian euskal presoek Euskal Herriratzearen alde 20.000 sinadura bildu ondoren, ehunka hautetsik eskakizunarekin bat egin ondoren, eta Frantziako gobernukide den Berdeen alderdiak ere Euskal Herriratzeari galdengin ondoren, Frantziak sakabaneta handitzea besterik ez du egin», salatu zuen.

Presoeok orain 45 egun abiatu ekimenaren sustenguz eta gose grebalarien egoeraz kezkatutik, presoez informatzeko tokia izanen da San Andres plaza, besteak beste alderdi, sindikatu, gazte eta gizarte mugimenduekin biltzekoak baitira.



BOB EDMOND

Koordinaketa-
ko eta
Amnistiaren
Aldeko
Batzordeek
deituta 12
lagunek hasi
zuten atzo
gose greba
Baionako San
Andres
plazan.

Kontzentrazioak igandean Martutene eta Basaurin, eta astelehenean PPren egoitzetan

Aitziber Iartza / Donostia
Senideak elkarteak hainbat mobilizazio antolatu ditu, eus-
kal presoak Euskal
Herriratzea eta Eus-
kal Herriaren hitza
errespetatzea galde-
giteko. Orain arte
eginiko «mobilizazio
ugariak» nahikoak
ez direla uste dute
senideek eta, hala,
euskal gizarteari eta

instituzioei presoen
aldeko konpromisoa
areagotzeko deia
egin diete.

Dei hori gauzatu
ahal izateko senide
ek hainbat mobiliza-
ziotara deitu dute,
eta herritarrei parte
hartzeko eskatu die-
te. Hala, igandean,
Bilboko Arriaga pla-
zatik Basauriko es-
petxera martxa bat

abiatuko da
12:00etan. Ordu be-
rean, elkarretara-
tzea egingo da Mar-
tuteneko espetxea-
ren aurrean.

Bestetik, astelehe-
nean, 19:30etan,
kontzentrazioak
gingo dituzte PP eta
UPNren egoitzen au-
rrean. Tomas Karre-
ra bozeramaileak
azaldu zuenez, «kon-

tzentrazioek PP eta UPNren ardura salatzeari dute helburu; izan ere, presoek prozesuaren aldeko apustu garbia egin dute, baina haiek, aldiz, kontrakoa egin dute».

Senideek abenduaren 27tik urtarilaren 2rako gose greban parte hartzeko deia egin dute.

Txandakako itxialdia Tolosako udaletxean

TOLOSAKO Amnistiaren Aldeko Batzordeek bultzatuta, itxialdia egingo da ostiraletik abenduaren 30a bitartean, presoen gose grebarekin bat egin eta Euskal Herriaren hasitako prozesua bultzatzeko. Ostiralerako Batera-k antolatutako kontzentrazioaren ostean hasiko da txandakako itxialdia, eta hiru eguneko txandak izango dira abenduaren 24a arte, eta hilaren 24tik 30era Gazte Ekimenak hartuko du txanda. Igandean manifestazioa egingo da 19:30etan, eta abenduaren 24an, berriz, Olentzeroko manifestazioa. Hala ere, abenduaren 25ean Kordobarako martxa egingo da, Edorta Agirre presolari elkartasuna azaltzeko.

Manifestaldia igandean Arrasaten, eskualdeko plataformek deituta

Arrasate, Antzuola, Aretxabaleta, Bergara eta Oñatiko presoen aldeko plataformek deiturik, manifestazioa egingo da igandean, 19:00etan, Arrasateen. Plataformok elkarrekin egiten duten lehen ekimena da, eta eskualdeko biztanleei parte hartzeke deia egin diete. Hainbat udaletako alkatek eta zinegotzik parte hartuko dutela iragarri dute, Antzuola, Aretxabaleta, Arrasate, Elgeta, Eskoriatza eta Gatzagako udalek bat egin baitute.